



Hans Enoksen, Inatsisartunut ilaasortaq, Naleraq.
/Maani

Akileraartarnermik aqqissuuseqqinneq pillugu § 37 naapertorlugu apeqqummut 2024-197-imut akissut

Brevdato: 04-10-2024
Sagsnr. 2024 - 16973

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

§ 37 naapertorlugu apeqqummut qulaaniittumut akissut matumuuna nassiunneqarpoq.

1. Akileraartarnermut aqqissuuseqqinnissamut siunnersuut, inatsisitigut siunnersuusiarineqarnera ilusimisut tamakkiisumik atuutilerpat, tassanga ilanngaait qaffasinnerusut atuutilersinneqarnerani nunatsinni kommune-t akileraarutitigut isertittagaat qanoq annikinnerutigisumik isertinneqartalissappat? Uani kommunet ataasiakkaarlugit, kommune-llu tamarmik katillugit, isertitatigut annertussusaasa akineqarnissaat piumasarineqarpoq.

Akissut:

Soorlu inatsisissatut siunnersuummut nassuiaatini qupperneq 14-15 GL/11 DK, tamanut tusarniutigineqarsimasumi, atuarneqarsinnaasoq, kommunit akileraarutinit isertitaasa ilanngaaseereerluni appariarnerat ataatsimut tapiissutikkut taarserneqassasut ilimagineqarpoq. Taamaattumik, kommunit inummut ilanngaaitip akileraartarnermik aqqissuuseqqinnerup ilaatut qaffanneqartumit kalluarneqassanngillat.

Aningaasat taarserneqartussat annertussusaannut, tassunga ilanngullugu kommunit ataasiakkaat akornanni agguannerat, ataatsimut tapiissutit pillugit kommuninut isumaqatigiinniarnert maannakkut ingerlanneqartut apeqqutaassapput.


Inummut ilanngaaitip qaffanneratigut akileraarutinit isertitat ilanngaaseereernani appariarnerat kommuninut ataasiakkaanut kommuninullu tamarmiusunut imatut annertussuseqassapput:

Kommuni	Mio. Kr.
Kommune Kujalleq	-17,0
Kommuneqarfik Sermersooq	-63,4
Qeqqata Kommunia	-23,9
Avannaata Kommunia	-29,2
Qeqertalik Kommunia	-16,8
Katillugit	-150,3

Kisianni inummut ilanngaaitip qaffannerata kinguneranik isertitat appariarnerat, 2022-mi isertitat pillugit paasissutissat kisiisa tunngavigalugit tabelimi qulaaniittumi naatsorsorneqarput. Kommuninut ataasiakkaanut aningaasat annertussusaanni, kommunit akornanni akileraarutinit isertitat naligiissaarnerisa sunniutaat

isiginiarneqanngillat. Tamassuma saniatigut sulinermut ilanngaammut allannguutit kommunit isertitaannut toqqaannartumik sunniuteqassanngillat. Aamma akileraartarnermik aaqqissuusseqqinnermi immikkoortut allat isertitanut sunniutaat allannguutilluunniit taakku isertitanut sunniutaat tabelimi takutinneqanngillat.

Inussiarnersumik inuulluaqqusillunga



Erik Jensen